

## **Cairteacha Coigiltis Coinníollacha ar leith**

### **Cairteacha Coigiltis (23ú Eisiúint) – Téarma 5 Bliaana – Toradh Iomlán 3%**

Arna eisiúint de bhun alt 30 den Acht Airgeadais, 1940 agus reachtaíocht eile.

Leatar amach na Rialacha a fhoilseáil Cairteacha Coigiltis (23ú Eisiúint), arna ndéanamh ag NTMA Arna eisiúint de bhun Alt 30 den Acht Airgeadais, 1940 agus reachtaíocht eile in Ionstraim Reachtúil. Le haghaidh do chaoithiúlachta, leagtar amach thíos na Coinníollacha ar leith infheidhmithe le Cairteacha Coigiltis sa 23ú Eisiúint atá san Ionstraim Reachtúil sin:

**Baineann na Téarmaí agus Coinníollacha Ginearálta seo atá infheidhmithe le Táirgí Coigilteas Stáit áirithe a tháinig i bhfeidhm Dé Luain an 16 Aibreán 2018 le Cairteacha Coigiltis agus ionchorpraítear anseo iad trí thagairt.**

#### **Forfheidhmiú agus Léirmhíniú**

Mura sainmhíneáir a mhalairt anseo, beidh an bhrí le téarmaí caipitlithe arna n-úsáid sna téarmaí agus coinníollacha seo a bhaineann le Cairteacha Coigiltis (“**Coinníollacha na gCairteacha Coigiltis**”) a shanntar dóibh sna Téarmaí agus Coinníollacha Ginearálta.

I gcás coimhlinte nó doiléire idir na Téarmaí agus Coinníollacha Ginearálta agus Coinníollacha na gCairteacha Coigiltis, beidh feidhm ag Coinníollacha na gCairteacha Coigiltis.

Baineann Coinníollacha na gCairteacha Coigiltis seo leis an 23ú Eisiúint amháin agus tá siad i bhfeidhm ó Dé Domhnaigh an 24 Eanáir 2021.

I gCoinníollacha na gCairteacha Coigiltis seo:

Beidh an bhrí ag “**Ús**” arna leagan amach i gcoinníoll 2 thíos.

Ciallaíonn “**23ú Eisiúint**” Cairteacha Coigiltis arna eisiúint Dé Domhnaigh an 24 Eanáir 2021 nó ina dhiaidh sin agus atá ar fáil lena gceannach go dtí go gcinneann an tAire Airgeadais, ag feidhmiú trí NTMA a mhalairt.

Ciallaíonn “**Dáta Aibíochta**” dáta cothrom lae cúig bliana ón Dáta Clárúcháin.

Ciallaíonn “**Téarma**” an tréimhse dar tús an Dáta Clárúcháin agus dar críoch an lá roimh an Dáta Aibíochta.

#### **1. Íos-sealúchais agus Uas-sealúchais sa 23ú Eisiúint**

- 1.1 Is ionann an t-íos-sealúchas sa 23ú Eisiúint ag aon am agus €50.
- 1.2 Faoi réir choinníoll 1.4, féadfaidh duine aonair Cairteacha Coigiltis sa 23ú Eisiúint a cheannach suas le luach comhiomlán €120,000, d’ainneoin an bhfuil na Cairteacha Coigiltis ag duine mar Shealbhóir aonair nó mar Chomhshealbhóir.
- 1.3 Níl aon teorainn ar Chairteacha Coigiltis sa 23ú Eisiúint atá i seilbh mar thoradh ar:
  - (a) aistrithe chugat de réir choinníoll 17 (Bás Sealbhóra) de na Téarmaí agus Coinníollacha Ginearálta; agus/nó
  - (b) infheistíocht a dhéanann tú le fáilais tráth aibíocht Táirgí eile.
- 1.4 Chun críocha uas-sealúchais chomhiomlán aon duine aonair sa 23ú Eisiúint a ríomh, cuirfear aon Chairteacha Coigiltis atá agat de réir choinníoll 1.3 le haon Chairteacha Coigiltis sa 23ú Eisiúint a ceannaíodh cheana. Má shroicheann nó má sháraíonn duine a n-uasteorainn mar gheall ar an ríomh seo, ní ghlacfar le haon hiarratas eile chun Cairteacha Coigiltis sa 23ú Eisiúint a cheannach.
- 1.5 Chun críocha uas-sealúchais chomhiomlán Chomhshealbhóirí sa 23ú Eisiúint a ríomh, measfar go mbeidh codanna comhionanna de Phríomh-mhéid Cairteacha Coigiltis ag gach Comhshealbhóir agus roinnfear go cothrom é idir gach duine de na Comhshealbhóirí.
- 1.6 Chun críocha comhiomlán sealúchais aon duine aonair sa 23ú Eisiúint, ní chuirfear aon Chairteacha Coigiltis i seilbh carthanais, comhlachta neamhchorpraite nó cara-chumainn a bhfuil baint ag an duine aonair leo sa áireamh agus ní áireofar é ach i ríomh na huasteorainn sealúchais don charthanais, chomhlacht neamhchorpraite nó cara-chumainn sin.

#### **2. Íocaíocht Úis**

- 2.1 Beidh úis iníoctha ar Chairteacha Coigiltis (“**Ús**”), de réir an choinníoll seo, ar a luaithe díobh seo:
  - (a) an Dáta Aibíochta, nó
  - (b) dáta na Fuascailte Luath.
- 2.2 I gcás go gcoinnítear iad go dtí deireadh an Téarma, is ionann méid iomlán an Úis iníoctha leat agus 3% den Phríomh-mhéid amháin an Dáta Aibíochta.

- 2.3 I gcás go bhfuasclaítear Cairteacha Coigiltis (ina n-iomláine nó i bpáirt) roimh chomóradh an chéad bhliain ón Dáta Clárúcháin, ríomhfar an tÚs iníoctha chugat ag ráta 0.00% in aghaidh na bliana ar an gcuid den Phríomhshuim atá á fuascailt don líon laethanta ó Dháta an Chlárúcháin (san áireamh) go dtí dáta na Fuascailte Luath (nach bhfuil san áireamh).
- 2.4 I gcás go bhfuasclaítear Cairteacha Coigiltis (ina n-iomláine nó i bpáirt) ar chomóradh an chéad bhliain ón Dáta Clárúcháin nó ina dhiaidh, is é an tÚs iníoctha chugat ag suim:
- (i) an méid a ríomhtar tríd an gcuid den Phríomhshuim atá á fuascailt, Céatadán d'Ús Carnach Iomlán a thugtar le fios i dTábla 1 thíos don chothrom lae is déanaí den Dáta Clárúcháin, agus
  - (ii) méid ríofa ag ráta 0.00% in aghaidh na bliana ar an gcuid den Phríomhshuim atá á fuascailt don líon laethanta (más ann dóibh) ó (agus lena n-áirítear) dáta an chothrom lae is déanaí ón Dáta Clárúcháin chuig dáta na Fuascailte Luath (ach gan é a bheith sa áireamh).

**Tábla 1**

Comóradh Bliana an Dáta Clárúcháin a dtarlaíonn an fuascailt air nó ina dhiaidh sin	1ú	2ú	3ú	4ú	5ú
Céatadán d'Ús Carnach Iomlán	0.00%	0.20%	0.30%	0.50%	3.00%
Sampla de thoradh (príomhshuim agus ús) ar príomhshuim €1,000	€1,000.00	€1,002.00	€1,003.00	€1,005.00	€1,030.00

**SAMPLA** – Más ionann Príomh-mhéid Cairt Choigiltis agus €1,000 agus má fuasclaítear é ina iomláine tar éis 2 bhliain agus 160 lá, is ionann an tÚs iníoctha: €2 (agus Céatadán d'Ús Carnach Iomlán 0.20% dlite ar an 2ú cothrom lae den Dáta Clárúcháin á chur i bhfeidhm); agus €0.00 (agus an ráta bliantúil 0.00% á chur i bhfeidhm ar an 160 lá ón 2ú cothrom lae den Dáta Clárúcháin chuig dáta na Fuascailte Luath (ach gan é a bheith san áireamh), a thabharfaidh Ús iomlán iníoctha €2.00 agus toradh iomlán (Príomh-mhéid agus Ús) €1.002.00.

### **3. Fógra maidir le Dáta Aibíochta**

- 3.1 Ar a laghad 10 Lá Gnó roimh an Dáta Aibíochta, déanfaimid teagmháil leat i scríbhinn:
- (a) chun tú a chur ar an eolas maidir leis an Dáta Aibíochta agus an t-iomlán iníoctha leat; agus
  - (b) lena iarradh ort treoracha a thabhairt maidir le híocaíocht na suime sin.
- 3.2 Coinneoidimid an t-iomlán iníoctha leat go dtí go bhfaighimid treoracha. Ba cheart duit a thabhairt faoi deara, nach bhfabhróidh aon Ús ná méid eile i ndáil le Cairteacha Coigiltis sa 23ú Eisiúint ar an Dáta Aibíochta nó ina dhiaidh sin.

### **4. Cánachas**

- 4.1 Níl an tÚs faoi réir Cáin Choinneála ar Ús Taisce, agus tá sé díolmhaithe ó Cháin Ioncaim, Árachas Sóisialach Pá-Choibhneasa agus ón Muirear Sóisialta Uilíoch. Tá Cairteacha Coigiltis sa 23ú Eisiúint díolmhaithe ó Cháin Ghnóthachan Caipitíúil in Éirinn.
- 4.2 D'fhéadfadh dliteanais chánacha eile bheith agat ag brath ar do chúinsí áirithe. Mholfaimis dá bhri sin go rachaidh tú i gcomhairle le do Chomhairleoir Cánach.